

# جریدہ علمیہ

مشیت جلیلہ اسلامیہ مکہ جریدہ رسیہ سید

ربیع الآخر ۱۳۳۴ [\*]

عدد: ۲۶

آیدہ بر نشر اول نور

اوپن جی سنہ

## اوقاف نظارت جلیله سی تبلیغات عمومی سی

« معاملات توجیهیه ده احکام نظامیك حسن تطبیق واجراسنه دائر »

مراکز ولایات ایله لوا وقضالرده متشکل توجیه جهات هیئتلرنجه خدمه خیرات حقنده اجرا قلنان انتخابات و جریان ایدن معاملاتن ناطق اوراق مخصوصه ایله تفرعاتنك شمیدی به قدر مکرراً سبق ایدن تبلیغات خلاقه اوله رق بر چوق خطیات و نواقص ایله ارسال اولنمقده و امر انتخاب و امتحانده اصول موضوعه و احکام نظامیه به حقیله رعایت ایدلمه مکده اولمسی مخبرات زائده بی ایجاب ایدرك معاملات توجیهیه نك بیپوده یره تأخیرنی استلزام ایتمکده اولدیغندن امور انتخابیه نك حسن جریاتی تأمین ضمنتده شورای اوقافجه تذکر اوله رق نظارتجه ده موافق کوریلان آتی الذکر وصایا و اخطاراته لزوم کورولمشدر. شوبله که طشره توجیه جهات هیئتلرنك وظائف اساسیه سی منحصرأ خدمه خیراتك امتحان و انتخابی کبی معاملاتن اتحاد و اجرادن عبارت اولوب رفع جهت صلاحیتی منحصرأ شورای اوقافه مودوع بولندیغندن ارباب جهاتدن برینك توجیه جهات نظامنامه سنك اللنجی واللی ایکنجی واللی اوچنجی ماده لری موجبنجه رفع جهتی مستلزم احوال و حرکاتی وقوعنده ذکر اولنان اللی اوچنجی ماده نظامیه موجبنجه کیفیت محلی مأمورین وقفیه سنجه عریض و عمیق تحقیق ایدیلهرك صاحب جهتك وسائر ایجاب ایدنلرك افاده لری آلدقدن سکره موجب عزل و رفع کوریلان فعلك تحقیقی حالنده او محلك الكیوک اوقاف مأموری طرفندن صاحب جهت موقه خدمتندن منع اوله رق اولبابده کی اوراق تحقیقیه همان نظارته بالامر سال شورای اوقافجه اجرا اولنان تدقیقات نتیجه سنده اسنادات واقع نك صحتی و فعلك شرعاً موجب عزل و رفع اولدیغنی تصدیق ایدیلهرك عهد سنده کی جهت رفع و کیفیت محله تبلیغ اولنمدقجه اول جهتك آخره توجیهندن توقی اولنمقده برابر توجیهی ایجاب ایدن بر جهت ایچون نوعی اعتباریله اتباعی لازم کلن قیود و ایجابات نظامیه دائماً پیش نظر دقتده طوتیلهرق مثلاً توجیه جهات نظامنامه سنك سکرنجی ماده سی موجبنجه بابادن قالان پوست نشینلکدر مستثنا اولمق اوزره مشروطیت وجهله تصرف اولنمیان بر جهت علمیه نك توجیهی لازم کلدکده اول امرده وسائط مناسبه ایله اعلان مسابقه اوله رق متعدد طالب ظهور ایتدیکنده مسابقه و بردن فضل طالب ظهور ایتدیکی تقدیرده اهلیت مطلقه امتحانی اجرا و ارباب اقتداردن هیچ طالب ظهور ایتمزسه

آتی الذکر شرائط سائر نظامیه نیک تحقیق شرطیله قرق آلتنجی ماده نظامیه به توفیقاً معامله توجیهه اجرا اولنق و مع مافیه بر ذاتک مجرد انتخاب اهالی به نائلیتدن طولایی اهلیت و کفایتی اکلالمقسزین وظائف مقدسه دینیله نیک کنیدیسه تودیعی بالطبع جائز اوله میه جنی جهتله مسابقه به کیردجک و یا خود تعریفات نظامیه دائر سنده امتحان ویره بیه جک درجه ده اهلیت تامه بی حائر طالبک عدم ظهورینه مبنی ذکر اولنان قرق آلتنجی ماده نظامیه موجبجه انتخاب اهالی به استناداً واقع اوله جق توجیهاتده اولبایده کی تبلیغات عمومیه به توفیقاً صلاحی منتخبه نیک درجه اقتداری حائر حق تنسیب اولان حاکم الشرع طرفندن صورت خصوصیه ده بالاستطالع اکلالمقدن صکره تنسیب و تصویب اولنه رق محلی هیئت مخصوصه سنجده ده علی الاصول انها اولنق مقتضی وشو ایجابات نظامیه نیک اون برنجی ماده به توفیقاً نیابتله صغیره توجیهی لازم کلن جهات علمیه دن دولایی تعیینی ایجاب ایدن نائبلر حقنده ده تطبیقی ضروری اولدینی کی کړک مسابقه کړک اهلیت مطلقه امتحانلرینک شفاهاً اولیوب نظاماً معین شکل و صورتده و هر حالده تحریراً اجراسنه رعایت و مشروط اولمیان جهاتک توجیهنه موظفاً خدمت دولته مستخدم بولنق مانع اولدینی قرق طقوزنجی ماده نظامیه ده صورت مطلقه ده محرر اولدینی و مطلقک اطلاق اوزره جریانی قواعد عمومیه اقتضاسندن بولدینی جهتله ممنوعیت واقعیه نیک مشروطه اولمایان کافه جهاته شمولی درکار بولدیغندن موظفاً خدمت دولته مستخدم بولنازه ایله نظاماً مانع توجیه سائر احوال و حرکاتی اولانلره جهت توجیهندن توقی و بجانب ایدملکه برابر ورقه مخصوصه توجیهیه نیک سوال خانه لرنده مندرج تفصیلاته کوره جواب ستونلرنده معامله جاریه حقنده معلومات و ایضاحات لازمه اعطاسی و الحاصل توجیه هیئتلرنجه معاملات امتحانیه و انتخابیه نیک احکام نظامیه و تبلیغات عمومیه دائره سنده جریاتی تأمین امرنده فرط اعتنا ایله حرکت و اوقاف مأمور و مدیر لکلرنجه ده کنیدیلرینه تودیع اولنان اوراق توجیهیه نیک تدقیقنده التزام دقت اولنه رق معاملاتک سلامتله جریاتی سکتهدار و تکثیر معامله بی یجاب ایده جک حالته محل بر اقل مامسی لزومی کمال اهمیتله بیان و توصیه اولنور .

« ۳۳۰ سنه سی و سنین متعاقبه ذات وزمان حساباتی اوراق مثبتہ نری حقندہ بوردرورو تنظیمندن  
« صرف نظرله تخصیصات دفترندن اقتباسا سنه لك برر جدول تنظیم و تسیاری حقندہ »

ذات وزمان حساباتی بوردرورلرینک انواع صرفیانه کوره تنظیم و اوراق مثبتہ لرینک دم  
اولوجهله تفریق و تصنیف اوله ررق ارسالی خصوصندہ کی تبلیغات عمومیہ احکامی اکثر  
شعباتجہ بحق انفاذ ایدیلہ رک مختلف موادہ عائد صرفیات ینہ بر بوردرورویہ درج ایدلمکده  
ویالکزر معاملہ نقدیہ نظر دقتہ آلہ ررق محسوباً اولان صرفیات درج ایدلمدیکی کی توقیفانہ  
تابع اولان صرفیاتکده قسماً اصلی و قسماً اعطاسی مقداری املا اولنمقده اولوب بوصورت  
معاملہ تدقیقات مقتضیہ بی اشکال ایتمکله برابر بویولده تنظیم اولنان بوردرورلردن منتظر  
محسنت و تسهیلات ده اقتطاف ایدیلہ مه مش اولدیغندن اوراق مثبتہ لر ایچون من بعد بوردرورو  
تنظیم و ارسالی شکلی ترک ایدیلوب زیدہ کی تعریفات دائرہ سندہ اوراق مثبتہ لرک تصنیف  
و تسیاری اصول اتخاذ ایدلمشدر .

۱ . — صرفیات اوراق مثبتہ سی کافی السابق تاریخ صرف اعتباریله تصنیف ایدیلہ جک  
و آنجق انواع صرفیانه کوره تفریق ایدیلہ رک بر ماده یه عائد صرفیات تعلق ایتمیان ماده  
اوراق مثبتہ سنہ قاریشدریلہ جق و بوردرورو مقامنه قائم اولق اوزره تخصیصات دفترندن  
اقتباساً مفرداتلو بردو کم جدولی ترتیب و تنظیم اوله ررق برابرجه کوندریله جکدر .

۲ . — طلب ایدیلن دو کم جدولی ۳۲۷، ۳۲۸ و اوچوز یکر می طقوز سنہ لری  
حساباتی ایچون خزینہ جه تنظیم و ایضا خانمہ لرله تسیار قلندیغی جهتله شکل تنظیم و احضاری  
حقندہ تفصیلات اعطاسنه لزوم اولیوب سنین مزبورہ حساباتی ایچون نتیجہ تدقیقاتده  
کوندریلن جداول وجهله یالکزر ارقام اوزرینہ ترتیب ایدیلہ جک و میزان سنویدہ کی قوتترول  
وجهله مصارف مختلفہ نک بشقہ جه انواع اعتباریله یکونی یا پیله ررق یکون صرفیات اساس  
دفترندہ کی مصارف مختلفہ حسابنک تأدیہ یکونہ و حالیه انقلاب ایدن یکونی اساس  
دفترندہ کی ارقامه توافقی و بودجه یه تعلق ایتمیان صرفیاتکده تاریخ صرف و محسوبلری  
اعتباریله یکونلری یا پیلوب بونلرکده مصارف مختلفہ و حالیه انقلاب ایدن دیون تأدیاتنه  
ضم و علاوہ سندہ یکون عمومینک وزنه مدفوعاتی ایله محسوبیات یکونہ تناظری تأمین  
و بروجہ محرر حساباً توثیق ایدیلہ جکدر .

۳ . — اوچ یوز یکر می طقوز سنہ سی ذات وزمان حساباتنک خزینہ جه تدقیقات

لازمه سی ایفا قلمقمده اولمی حسیدله اولوجه ایله ایجاب ایدن جداول خزینه جه تنظیم ایدلمکده اولدیغندن آنجق اوچ یوز اوتوز و اوتوز برسنه لری حقنده بوجه محرر تخصیصات دفترندن اقتباساً برر جدولک تنظیم وارسالی وسنین متعاقبه حساباتی ایچون من بعد اولوجه ایله ایفای معامله اولنمی مقتضیدر .

٤ . — حسابات شهریه نک شهر متعاقبک نهایت قرقنجی کونه قدر ارسالی حقنده تعلیمات حسابیه ده مندرج مجبوریات حسابیه باقی اولوب اوچ یوز اوتوز برسنه سی غایه سنه قدر اولان حسابات اوچ یوز اوتوز ایکی سنه سی نیسانک قرقنجی کونه قدر کوندریله جک وتأخیر ارسالندن متولد مسئولیت محاسب مسئولرینه عائد بولنه جغندن کیفیت آکا کوره امعان واهمیتله نظر دفته آلنه رق حساباتک میعاد معین ظرفنده ارسالنه اقدام اولنه جقدر .

٥ . — حساب قطعی به اساس اتخاذ اولنق اوزره بودجهیه متناظراً لازم الترتیب واردات و صرفیات اجمال جداولی کماکان کوندریله جک واشبو جداول بر قسم شعباتجه یالکز برر آیلق معاملاتی جامع اولق اوزره ترتیب ایدلمکده اولوب حالبوکه تعلیمات حسابیه ده ایضاحات ایدلدیکی اوزره جداول شهریه شهر سابقه معاملاتیه ده احتوائتیمی لازم کله جکندن بعدما آکا کوره تنظیم اولنمی و برده اکثر دوائر وقفیه جه اساس دفترلرنده سنه سابقه دن دور ایدیلن سنین سابقه بقایاسی ایله دیون امانات برر قلمده کوسترلمکده اولدیفی کبی سنه آتیه به دور ایدیلن مقدارده « بقیه اولوب سنه آتیه به دور ایدیلن » تعیریله بر قلمده دور ایدلمکده اولمسیله بوصورتده تأمین انتظام حسابی میخل بولوندیغندن تعلیمات حسابیه ده مندرج بوبابده کی ایضاحات ده اطرافیه مطالعه ایدیله رک کرک سنه سابقه دن دور ایدیلن کرک سنه آتیه به دور اولنان بالعموم بقایانک اثنای دورده علی المفردات اراشمی مقتضیدر .

٦ . — ایضاحات مسروده مطالعه سندن آکلاشیله جغنی اوزره بوردر وارسالی اصولی الفا ایدلمش اولمغله اوچ یوز اوتوز و اوچ یوز اوتوز برسنه لری وسنین متعاقبه حسابلری حقنده بوجه محرر ایفای معامله اولنمی لزومی بیان اولنور .

«مأمورین وقفیه دن منتظر اولان فعالیت وحسن موفقیت اسبابی تأمین»  
«ایدیلرک انفصالی و قوعنده مقدوریتلرندن بختله دیزلناملرینه دائره

انفصال ایدن بعض مأمورین ومستخدمین وقفیه عزللری مغدوریت ومضایقه لرینی وعائله لرینک پریشانیسنی موجب اولدیغندن بختله رسمی وغیر رسمی مراجعتلرله تظلم واستعفاف ایتکده در مستغنی اخطار اولدینی وجهله وظیفه مودوعه سنی حسن ایفا وحقوق ومنافع مهمه وقفیه نک تأمین امرنده صرف مساعی اوفی ایدن مأمورینک مکافات وترقیاته نائلیتلری طبعی وعکس حالده انفصالی ضروری اولوب عزللری موجب احواله تصدی ایتسندن ووظیفه مأموره سنی حسن ایفا ایلماسندن طولانی انفصالی وقوع بولان وبالا آخره مراجعتله بٹ شکوی ایدن مأمورین حقنده تطبیق واجرا اولنان معامله مجازاتکاری، هر شیدن اقدم واهم وهر خصوصاته ترجیحی الزم بولنان وظیفه مأموره نک حقیقه ولایقیله ایفاسنه بذل اهتمام واعتنا اولنماسی بوزندن معاملاتک خللدار ومنافع مهمه وقفیه نک سکتهدار اولسی کی اسبابدن منبعث اولمقده ونظار تجمده بونلره نظر مسامحه ایله باقلمیه رق بوقیل مأمورینک مع الاسف عزل وتبدیلاری مقتضیات ضروریه سنه توفیق حرکت اولنمقده در واقعا بومعاملات مجازاتکاریدن علاقه دارانی متضرر اولمقده ایسه ده نظارتجه تعقیب اولنان غایه امور ومعاملات وقفیه نک تأمین حسن جریان اسباب ووسائلنک استکمالی اساسنه معطوف اولوب بومهمه اساسیه نک دائماً نظر دقت وانتباهه آلته رق ووظیفه هر خصوصه تقدیم وترجیح ایله حسن ایفایه بذل مساعی اولنه رق معاملات مجازاتکاری اجراسنی استلزام ایده جک احوال واسبابه میدان وامکان بر اقلمامسی وبالجمله مأمورین ومستخدمین وقفیه نک عهده لرینه مودوع خدماتده کندیلرندن مأمول ومنتظر اولان فعالیت وغیرت وحسن موفقیت اسبابی تأمین حصر ووقف مساعی ایملری تعمیماً توصیه واخطار وملحقات مأمورین وقفیه سنه ده تبلیغی بیان اولنور. غره جمادی الاول سنه ۱۳۳۴ و ۲۲ شباط سنه ۱۳۳۱

\*  
۴ ۴

«نقود موقوفه وعوارض آچه لرندن تحصیلدارلره عائدات تحصیلیه ویرللمسی حقنده»

نقود موقوفه وعوارض آچه لری تحصیلاتندن تحصیلدارلره عائدات تحصیلیه اعطا ایدیلوب ایدیلرک بعض محلدن استفسار اولنسی اوزرینه اوچوزاوتوز سنه سی بودجه سنه

مقدم مواد قانونيه نك اونجي ماده سنده نقود موقوفه تحصيلدارلری مستثنا اولق اوزره بالعموم تحصيلدارلره معاش مخصصلرندن ماعدا واقع اولان تحصيلاتلرينك انواعه كوره عائدات اعطاسى لازم كله چكى محرر بولونديغى كې اعطا ايديله جك عائداتك مقاديرى اعتباريله تعداد اولنان انواع تحصيلات مياننده نقود موقوفه تحصيلاتى داخل بولنماسنه نظراً نقود موقوفه تحصيلاتندن تحصيلدارلره عائدات تحصيليه اعطاسى قابل اوله ميه جغه دائر شوراي اوقافچه ويريان قرار تنسيب قلمش اولغله ماراليان نقود موقوفه وعوارض آچه لرى تحصيلاتى حقنده اولوجهله ايفاي مقتضاسى وماحققات مأمورين وقفه سنده اشبو تحريرات عموميه نسخ مربوطه نندن برر عدددينك توزيعيله مقتضى معلوماتك تسريع اعطاسى خصوصنك اوقاف مديريته امر وتبليغه هم عليه لرينك مصروف بيورلمسى بابتنده امر و اراده ١١ جاذى الاول سنه ١٣٤٤ و ٣ مارت سنه ٣٣٢



اوقاف ملحقه متوليلرينه اعطا قلنه جق مبالغك طرز تأديه سيلاه محاسباتك انتظام رؤيتى تأمين ايچون اتخاڭى مقتضى بعض تدابيرى محتوى تعليماتنامه صورتى

خزينه ده موجودى اوليان اوقاف متوليلرينه تعويضاً آچه اعطا اولنه من .

خزينه ده موحودى بولنان اوقاف متوليلرينه آچه ايكي صورتله اعطا اولنه بيلير .

اولا — . رؤيت محاسبه نتيجه سنده فضله وقف تحقق ايتديكى وبوفضله ده شرط واقف موجبجه اولاده ويامتولى به عائد اولديغى صورتده اصولاً تسويه اولنور . شو قدركه فضله نك تسويه اولنه بيلمسى ايچون اووقفه منسوب خيرات ومبراتك موجود ومعمور اولمى شرطدر . وقفك خيراتى غير معمور اولديغى تقديرده فضله اعمار خيراته قارشولق اولق اوزره موقوف طوتيلور .

ثانياً — . رؤيت محاسبه ايچون وظائف ومصارف معينه وغير معينه به صرف ايدملك اوزره على الحساب صورتيله آچه اعطا اولنور .

وقفك بالذات متوليلرجه اداره اولنان عقارات وسائر مسمى بولنديغى صورتده جابت ايلدكلى وارداتك تحقق ايتديريله جك مقدار صحيحى ايله وقفك بر سنه لك صرفيات

عمومیه سی یکونی نظراً اعتبار آله رق آزه ده کی فرق و وارداتی تمام آخزینہ جہ جیابت اولنان اوقافہ صرفیات سنویہ مقداری تقاسیط مناسبہ ایله متولیلرہ خزینہ جہ تسویہ و ہر صرفیات سنداتی دہ متولیلر طرفدن دیگر تقسیطک حین تأدیہ سندہ ابراز اولنہ جقدر . متولیلر وقفلرینہ عائد ہر سنہ محاسبہ سنی سنہ نہایتندن اعتباراً آلتی آی ظرفدہ منسوب اولدینی اوقاف دائرہ لرینہ مراجعتلہ رؤیت ایتدیرمکہ مجبوردر . بومدت مرورندہ محاسبہ سی کورلہ یں متولیلرک الی ایشدن چکدیریلرک محاسبہ سی رؤیت اولنجه یہ دکن اموروقف اوقاف ادارہ لرنجہ رؤیت اولنہ جقدر .

ہرنہ سبب و صورتلہ اولورسہ اولسون خزینہ یہ مدیون بولنان اوقاف فضلہ لری متولی و اولادہ مشروط اولدینی صورتدہ آنجق نصفی تأدیہ اولنہ رق نصف دیکری دینک محاسبہ قدر بورجہ محسوب ایدیلہ جقدر .

اولادہ عائد فضلہ لرک تسویہ ایدلدیکنی مثبت اوراقک سنہ آتیہ محاسباتنک حین رؤیتندہ اراہہ سی مجبوریدر . متولی و اولادہ مشروط اولیوب تبدیل عقار و اعمار خیراتہ مشروط فضلہ لر شرط واقفک اجرانہ مساعد مرتبہ یہ واصل اولنجه یہ قدر خزینہ جہ حفظ اولنہ جقدر . متولیلرہ محاسبہ نک رؤیتلہ تین ایتیمکسزین آتیاً تحقق ایدہ جک اولان فضلہ لردن محسوبی اجرا ایدلمک اوزرہ علی الحساب آچہ اعطا ایدیلہ من .

مصارف محاکمہ و سائرہ کی مصارف غیرمقننہ ایچون متولیلر طرفدن طلب اولنہ جق مبالغ حقندہ درمیان اولنہ جق علل و اسباب ایله مقدار تفرعاتنک تقدیری مقام نظارتہ عائددر .

### مادہ منضمہ

متولیلر اوچ یوز اوتوز سنہ سی نہایتہ قدر رؤیت اولنہ رق قالمش بالعموم محاسبہ لرینی اوچ یوز اوتوز ایکی سنہ سی نہایتہ قدر تماماً رؤیت ایتدیرمکہ مجبوردر . رؤیت محاسبہ ایچون مقتضی فرق مصارف ہنوز ویرلہ مش اولدینی صورتدہ خزینہ جہ تسویہ ایدیلہ جقدر . حقلرندہ کی معاملہ توجیہ یی تعقیب واکال ایلہ ہنوز برات استحصال ایتامش اولان متولیلر کذلک اوچ یوز اوتوز ایکی سنہ سی نہایتہ قدر استحصال براتہ مجبوردرلر . ذکر اولنان تاریخہ قدر برات استحصال ایتہ یں و کذلک محاسبات مترا کملہ لرینی ویرمین متولیلر ایفای وظیفہ دن منع اولنہ جقدر .

۲۴ ربیع الآخر سنہ ۱۳۳۴ و ۲۵ شباط سنہ ۱۳۳۱

« تولیت توجیهاتنده رؤیت محاسبیه عائد بعض وصایایه واهلیت نظامیه بی حازر دواک  
 « قائم مقام متولی تعیینیه تولیتارک مشروط لهارینه توجیهی جائز اولدیغنه دائر

متولی سابقک زمان اداره سی حساباتی رؤیت ایدلمکسزین تولیتک توجیهی طلبی  
 کثیرالامثال اولدیغندن بحث ایله حالات مماثلده مابه التطبيق اتخاذ اولنقی اوزره کیفیتک  
 و اوقاف اداره لرینک قائم مقام متولی نصبی حقننده کی تبلیغات عمومیه یه قارشو خارجدن  
 متولی قائم مقامی تعیین اولنوب اولنیه جفک انباسی آیدین اوقاف مدیریتدن اشعار  
 اولنمشدر. تولیت توجیهاتنک حسابات مترا کمه نک رؤیتنه تعلیق و حسابک رؤیتی کیفیتیه ده  
 متولی مستقبلک مخاطب اتخاذیله هنوز وضع ید ایتدیکی مدته عائد اعطای حساب مجبوریتنک  
 اکا تحمیلی برچوق احوالده رؤیت حسابی امکانسز بروضعیه کتور مکده و بوصورتله  
 متولی مسئول تعیین ایتکسزین زمان کچدکجه هم وقفک معاملاتنی وضعیتی اعتباریله  
 تمامیه مجرای انتظامه کیره مه مکده هم ده محاسبات مترا کمه برقات دهاترا کمه معروض  
 قالمقده اولنوب فی الحقیقه اوقاف نظامنامه سنک اوتوز دردنجی بندی موجبنه توجیه تولیت  
 رؤیت حسابیه تعلیق اولنمش ایسه ده هنوز عهد سنه تولیت توجیه اولنیمان مشروط لهک  
 بو خصوصده مخاطب مسئول تلقی ایدلمسی لازم کله جکنه دائر برقیدی احتوا ایتدیکی کی  
 توجیه جهات نظامنامه جدیدینک الی بشنجی ماده سنده ده بر وقفک تولیتی انحلالنده  
 اوقاف مأموریله محلی محکمه شرعیه سی طرفدن وقفک حسابی رؤیت و موجودی ثبت  
 دفتر اولنوب وقفک اموری قائم مقام متولی صفتیه اوقاف اداره سنه تودیع اولنه جنی و تولیت  
 مشروط لهنه علی الاصول توجیه اولندیغنده اوقاف اداره لری طرفدن متولیلره دور  
 و تسلیم معامله سی اجرا اولنمی لزومی مصرح بولنسنه نظراً هم احکام نظامیه یه رعایت ایدلمک  
 هم ده بو یوزدن وقفک معاملاتجه بالطبع حصوله کلن تشوشاته نهایت ویرلمک اوزره  
 تولیتی انحلال ایدن وقفلرایچون درحال سرعت ممکنه ایله اوقاف اداره لری وقفک وضعیت  
 حسابیه سنی تعیینه مدار اوله جق بر صورتده اجمالاً و خلاصه حساباتک رؤیت و انتاجنه  
 مجبور طوتلمسی و بونک ایچون استعفا و انزال کی احوالده متولی سابقدن و وفات  
 و انحلال حالده ورته سندن معلومات و وثائق ممکنه نک استحصالی و بولنه مدینگی حالده  
 وقفک واردات و صرفیاتی حقننده منابع وارداتیله علاقه دار اولنلردن و خیرات و مبرات  
 خدمه سیله اولاد و سار مرترقه سندن و الحاصل ایجاب حاله کوره لازم کلنلردن تحقیقات  
 خارجیه اجرا سیله بر خلاصه حسابیه وجوده کتیرلمسی و ظهور ایده جک ذمت و سائر سنک

تعقيب و تحصيلي کيفيتلرينک متولى لاحقه تحميل ايدلمسى واسـباب مسـروده طولاييسيله  
على التفصيل رؤيت حسابـه امـکان بولنه میان وقفـلرکـده على قدر الامکان وضعيت حسابيه لرينک  
تعين و ارأه اولمسی صورتلريله توليت منحلـه نـک مشـروط لهـلرينه امور وقفـک تـذبذبـی  
مستلزم مرور زمانه ميدان و يرليه رک توجيهی جهته کيدلمسی معاملات وقفیه جه  
صفت نظارتی حائر بولنان اوقاف اداره لرينک قارشوسنده برآن اول بر مخاطب مسؤلک  
تعينه و بو وجهله امور اوقافک تأمین سـلامتنه خدمت ایده چکی کبی اوقاف اداره لرينی  
آتیا اولباده کی تعلیمات موجبـه متوکـلیر حساباتی تأخیر و تعلیقـه دوچار ایتـمکـسـزین هر  
سنه رؤیت امرنده وظیفه مودوعه لرينی کمال دقت و اهميته تعقيب و اجرا ایتـدکـلری  
تقدیرده بعدما ترا که محل قالمیه جنی جهته محاسبات مترا که نـک تصفیـه سی کبی بزفائده بی ده  
منتج اوله جغدن اولوجهله اجرای ایجابی و اوقاف اداره لرينک قائم مقام متولى نصی  
کيفيته کلنجه احکام شرعیه ایجابجه لزوم کورینه چک محللرده قائم مقام متولى تعینی مقدما  
قضائه مودوع بر صلاحیت شرعیه اولقله برابر موافق شرع شریف اولان توجیه جهات  
نظامنامه جدیدی ده بوصلاحتی شورای اوقاف ایله محلی هیئت امتحانیه لرينه تودیع ایله  
مشروط له نا اهل و یاقاصر و یاقادین اولورسه شرائط شرعیه و اهلیت نظامنامه بی حائر  
بر قائم مقام متولى تعینی قبول ایتسنه و موضوع بحث اولان تبلیغاتدن مقصوده امور  
اوقافک حسن جریاتی تأمین مقصدیه تشکل ایتـش اولان اوقاف اداره لری شخصیت مغنویه لری  
اوصاف مطلوبیه بی حائر اولملری اعتباریه خارجدن تعین اولنه چق متولى قائم مقام لرينه  
قارشى حائر رجحان اوله جنی کوسهرتمکدن عبارت اولسنه نظراً خارجدن قائم مقام متولى  
تخریسندن ایسه ترجیحاً اوقاف اداره لری شخصیت مغنویه لری قائم مقام متولى صفتیه  
امور و تفی اداره ایتـمک اوزره تولیتک مشروط لهـلرينه توجیهی جهته کيدلمسی منافع  
وقفه موافق اوله جنی درکار ومع مافیه شرائط شرعیه و بالامتـحان تبین ایده چک اهلیت  
نظامیه بی حائر ذواتک قائم مقام متولى تعینیه تولیتـلرک مشـروط لهـلرينه توجیهی امرنده کی  
جواز شرعی و نظامی بدیدار بولنسیله بو بابده آریجه قرار اتخاذه محل کوریه مدیکی  
شورای اوقافدن افاده اولنش و کیفیت نظارتجهده موافق حال و مصلحت کورلش  
اولقله بعدما اولوجهله ایفای معامله اولنسی تعیمماً تبلیغ اولنور .